

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Menippus sive dialogorum satyricorum centuria
inanitatum nostrativum speculum**

Andreä, Johann Valentin

Cosmopoli [i.e. Straßburg], 1618

22. Antichristus

[urn:nbn:de:bsz:31-107424](https://nbn-resolving.org/urn:nbn:de:bsz:31-107424)

22. ANTICHRISTVS.

A. **M**agnos oportet dolose esse, ac ingeniosissimos, quibus Antichristus, tantopere proditus ac convictus, etiam nū tot cordatis & sagacibus imponit. *B.* Ego potius nec ingeniosos illius dolos, nec admirandam hominum cœcitate[m]. sed fatalem patientiam, & socordem aliquā conniventiam dixerim. *A.* Atqui subinde sagaces deprehendas, qui historias, & hominum controversias curiose scrutentur, non minus tamen in hoc negotio cœcutiunt. *B.* Itaque patientiam dixi: nam quo quisque loco nascitur, eius mores & religionem facile patitur, etiā si, quod sæpe contingit, multa inconvenientia deprehendat, reliqui rebus suis & studiis intenti, facile rerum nostrarum examen negligunt. & alieno iudicio reguntur. *A.* Mihi sane absurdum sit, diversarum partium opiniones æqua lance, & animo neutri obnoxio non introspicere. *B.* Atqui nondum sic orbis terræ religiones audivisti & examinasti, ut unam Christianā reliquis præferre necesse habueris. *A.* Infinitum id est. *B.* Fateor; sed & illud minimum, tota vita cum una adversa parte vel unico eius sæpe membro configere. *A.* Satis mihi sit vel unum Antichristum impietatis & scelerum convincere. *B.* Eho, an tu minutum aliquid hoc credis? *A.* Haud sane difficile; post tot generosos Babylonice turris impugnatores, mihi ruinas solū intueri, & ruderibus inambulare iucundum sit. *B.* Crede mihi, valida ea turris etiamnum est, & temporariis structuris, aggeribus, fossisque restaurata, ut mi-

ut minus tutum sit circa eam obambulare. *A.* Nunquam sane tu mihi eam reddes formidabilem. *B.* Aut fallor, aut tu ipse aliquid confers in eius munitionem. *A.* Egone? nūquam. *B.* Certe aut regula Christi alia facta est, aut quam representatis, vera Christi non est, nam pauperiem illius, humilitatem, liberalitatem, patientiam nusquam reperio. luxum e contra, ambitionem, avaritiam, excandescentiam ubique. *A.* Vnde hic ex oculo ictus? *B.* Inde ubi Regnum Christi mundanum fit, reverentiis, dignitatibus, excellentiis, Superintendentiis conspicuum, tum ministrorum satellitio custoditum, denique fascibus & securibus formidabile. *A.* Nullas tu patieris functionum distinctiones? *B.* Libentissimè, at nulla exinde Prælatorum supercilia, subiectorum concuicationem nullam, superiorum crapulam, inferiorum famem, nullum superiorum tumorem, inferiorum trepidationem, nullam Idumæorum successionem, Rechabitarum oblivionem; *A.* Admones me sane nævorum aliquot ætas, quos nostra patitur. *B.* Itaque posthac Antichristum non magnū illum tantum, sed & minutum nostrum observabis, qui in Satrapia sua non in posturarum minus habet, & malignitatis quam ille, sed virium.

23. FAMELICI.

A. Seneca subinde obiici memini, quod paupertatem frequenter collaudarit, interim regias prope gazas possederit. *B.* Puto literatos peti per Senecæ latus. *A.* Illi vere inter omnes mortu-